



Broj:
Sarajevo, 03.12.2010. g.

MEDIJIMA

Predmet: Saopćenje za javnost Una banka

Poštovani,

povodom različitih tumačenja o aktuelnom stanju u Una banci d.d. Bihać posljednjih dana, a nakon provedenog postupka Javnog poziva za dokapitalizaciju, spajanje, pripajanje i/ili kupovinu imovine, te otkup obaveza te banke pod privremenom upravom, Agencija za bankarstvo FBiH će, kao i svim dosadašnjim slučajevima, prilikom rješavanja problema postupiti u skladu s zakonima, uz nastojanje da se maksimalno zaštite interesi depozitara i uposlenika banke.

Komisija za provođenje javnog poziva i izbor najpovoljnijeg ponuđača u kojoj su bili predstavnici Federalnog i Ministarstva finansija USK, predstavnik Agencije za bankarstvo FBiH kao regulatorne institucije, predstavnik Zavoda zdravstvenog osiguranja USK ispred povjerilaca i predstavnik Una banke, poslije provedenog postupka u skladu sa objavljenim javnim pozivom, od dvije prispjele ponude izabrali su Balkan Investment bank AD Banja Luka (BIB banka) kao najpovoljnijeg ponuđača, što je potvrdio i privremeni upravnik Banke.

Tom ponudom BIB banka je prihvatila da odmah na raspolaganje daje stopostotnu isplatu depozitarima u iznosu od 8,2 miliona KM, uz preuzimanje većeg dijela imovine, kao i isplatu dijela ostalih obaveza Una banke, što čini iznos od preko 60% ukupnih njenih iskazanih obaveza. Na neodređeno vrijeme posao bi dobilo 39 od 54 postojeća radnika banke, uz ponudu Ugovora o radu na određeno vrijeme za preostalih 15 radnika.

Preostali dio obaveza Una banke koji nije predmet ove kupoprodaje, namirivao bi se u daljnjem postupku likvidacije iz preostale imovine banke, a koja je po knjigovodstvenim evidencijama veća od obaveza. Una banka već duži niz godina vodi sporove protiv Rješenja općinskih i kantonalnih sudova u Bihaću za povrat imovine „Robne kuće Bihać“, koju je stekla po osnovu realizacije kolaterala po odobrenom kreditu od dužnika Robne kuće Bihać d.o.o.

Ukoliko se ne steknu uvjeti za realiziranje sporazuma sa BiB bankom, koji Agencija za bankarstvo FBiH detaljno analizira, zbog postojećih i potencijalnih novih obaveza po sudskim presudama i pripadajućim kamatama, još uvijek neriješenog pitanja primjene odredbi Zakona o bankama koje reguliraju rad banaka u privremenoj upravi kod nadležnih sudova, te smanjenog obima poslova, neophodno će biti pokretanje postupka likvidacije ili stečaja Una banke.

DIREKTOR

.....
/ Zlatko Barš/